

고문서

91-76-169

高麗史列傳

南堂朴昌和先生遺稿

丁酉仲春

李嗣謹甫

徐弼傳

孝恭皇帝生

徐弼字希悅利川人也性通敏好學以刀

筆吏進至大匡內議令光宗賜宰臣金酒

器弼獨不受曰服用明等殺儉奢闕理亂

臣用金器君將何用光宗嘉之曰卿不以

宝爲宝乎予當以卿言爲宝時厚待唐人

擇取甲第美女以與之弼請獻其第曰投

化人擇屋而居世臣反多失所爲

者莫若自營小第使無後悔光宗  
悟不復奪臣第弼又言莫賞無功無忌有  
功光宗默然翌遣近臣問之曰有功者元  
甫式會是也無功者若輩是也內厩馬死  
光宗欲罪主者弼引孔子不問馬之說爭  
之得免人稱其賢十六年卒年六十五謚  
貞敏累贈三重大匡太師內史令後配享  
光宗廟庭子曰廉熙英

### 姜邯贊傳

姜邯贊初名殷川定宗戊申大星隕於家  
而生體貌矮陋衣裳垢弊不介于意清儉  
好學年三十六擢甲科第一累進至禮部  
侍郎契丹入攻西京群臣欲降獨言不可  
勸王南幸羅州得免其禍以田十結給  
軍戶顯宗九年契丹又寇邯贊與姜民瞻  
引兵二十万八千三百禦之選騎万

伏山谷中以大繩貫牛皮塞城東大川  
至決塞大勝民瞻亦勝慈州來口山十年  
二月又戰於龜州丹兵大敗自石川至盤  
嶺嶺僵尸蔽野俘獲人口馬駝甲兵不可勝  
數生還者僅數千人契丹之敗未有甚於  
此於是高麗之名振於天下大食國等聞  
風入貢立朝屹然為國柱石年八十四而  
卒國人莫不哀之輟朝三日謚曰仁憲

崔冲傳成宗甲申生

崔冲字浩然海州大寧人也風姿魁偉性  
操堅貞善屬文年二十三擢甲科第一德  
宗時以散騎常侍請書六正六邪之文授  
刑部尚書靖宗時除尚書左僕射叅知政  
事判西北路兵馬事行邊境置鎮修城還  
為平章事文宗卽位拜門下侍中命考定  
律令書算七年乞致仕賜几杖視事二十

二年卒年八十五冲設九齋以教誨後進不倦每歲暑月借故法寺僧房為夏課擇徒中及第學優未官者為教導授以九經三史間或先進來過刻燭賦詩勝其次第唱名以入設酌奉樽進退有儀長幼有序觀者莫不嘉歎赴舉者隸名九齋謂之文憲公徒學校之興蓋由於此海東孔子也又有鄭倍傑盧旦等十一徒

尹瓘傳

靖宗五年生父執術高祖五年

尹瓘字同玄坡平人也少好學手不釋卷文宗朝登第歷事順宗宣宗獻宗肅宗至睿宗時與吳廷寵伐女真于弓漢村大破之等威州吉州福州英州雄州冥州通泰平戎公嶮鎮等九城立碑于公嶮為界地方三百里東至海西北于蓋馬山南接長定二州烏雅束悉衆力拒來圍吉州

寵不利，烏遣使請還九城。時朝廷畏其強，乃發和議。崔弘嗣、金景庸等極論敗軍之罪，王使人收其斧鉞於中路。金緣又請下吏，王不得已，止免官削功，尋拜門下侍中。判兵部事，表讓不允。六年卒。北人惜其功不成，至今稱尹元帥。瓘寬厚，服衆能用。拓俊京雖在軍中，常以五經自隨，好賢樂善，冠於一時。及畋田里，讀書自安，不介于意。

### 雙冀傳

雙冀，北周大理評事也。光宗七年，從其使薛文過來，為人端麗，善婦，且有文才，善書。以病留於文尼之家，及愈，寫經上之。上覽之，稱贊，請於周而用之，擢為元甫翰林學士。先是我使入唐者，館於其家。故冀知我，厚待投化人，早習我語，能嫻大穆，亦愛之。召入宮中，習寫，妻以寡公主。宅于石門，授

以文柄<sup>○</sup>皆以要密<sup>○</sup>冀為人外<sup>○</sup>窠而內<sup>○</sup>貪多  
置莊園侍妾而自娛人莫敢格其非累知  
貢舉名士多出其下其父哲亦率其眷屬  
以來即拜佐丞<sup>○</sup>庚申之徵奪人妻妾財貨  
光宗薨為其仇人所害其門人崔暹大守  
文等收葬之成宗贈太師而祿其子有雲  
堂集二卷行于世<sup>○</sup>唐人之仕于我甚多<sup>○</sup>冀  
最顯實為科祖其詩則古風也亦有頌策<sup>○</sup>

金富軾傳

金富軾慶州人也高宗時登第至宝文閣  
待制時朝廷議國舅李資謙班次禮數崔  
濡等議不臣富軾曰鄭玄議后父從臣禮  
故晉褚太后見父之禮亦然王乃從富軾  
言朴昇中欲以資謙生日為仁壽節富軾  
曰生日稱節自古所無唐玄宗始稱千秋  
節未聞人臣有稱節者妙清勸王西幸富

軾力止之及其反也王以富軾為元帥以  
討平之賜甲第一區金銀鞍馬米布藥物  
仁宗二十年致仕二十三年進三國史記  
賜花酒教宗封樂浪候食邑千戶五年卒  
年七十七謚文烈配仁宗廟庭有文集二  
十卷為人豐歛碩體面黑自露兄弟四人  
力學以文章名世睿宗封其母而賜年穀  
然有猜忌害鄭知常而逐尹彥頤

崔承老傳

太祖丁亥生

崔承老慶州人也其父殷舍仕新羅至元  
甫久無嗣禱而生性聰敏好學善屬文年  
十二太祖召見之使讀論語而嘉之賜鹽  
盆命隸元鳳省學生賜鞍馬例食二十石  
自是委以文柄成宗元年以選官御事上  
書曰太祖好賢樂善捨己從人辨邪正明  
賞罰不失人材必得其力創業日淺文物



未備惠宗沈疴床枕賢臣不近小人居內  
定宗信讖遷都固執不移光宗重用雙箕  
奸匈爭進酷信佛事窮奢極侈一歲  
之費足爲太祖十年之用景宗喜鄉樂嗜  
博奕小人進君子退願聖上深鑑前事七  
年門下侍中封清河侯食邑七百戶八年  
率謚文貞享年六十三王慟悼之贈太師  
賻布千匹米五百石後配成宗廟庭

金審言傳

光宗丙辰生

金審言靜州靈光縣人也學于崔常侍暹  
夢見審言頂上出火氣屬于天心異之  
以女妻之成宗朝登第累進至右補闕兼  
起居注九年七月上封事言六正六邪見  
於未萌禁於未然謂之聖臣勉以禮義諭  
以長策謂之良臣進賢不懈引古勵今謂  
之忠臣明察成敗而救之轉禍爲福而安

之謂之智臣守文奉法節儉盡職謂之貞  
臣犯威言過謂之直臣貪祿浮沈曰具臣  
阿諛苟容曰諛臣妬善隱惡曰嫉臣飾非  
立辯曰諛臣成黨擅權曰賊臣誘陷不義  
布惡中外曰亡臣且言六條察民疾苦察  
官政察盜賊察犯律察孝廉察異察錢穀  
王嘉之穆宗爲州牧務農恤民顯宗五年  
內史侍郎平章事九年卒謚文安

徐熙傳

太祖癸卯生

徐熙小字廉允內議令弼之子也性嚴格  
自潔好學不倦年十八擢甲科超授廣評  
員外郎歷事光宗景宗成宗有乃父之風  
面爭而违折人以爲爭臣奉使如宋太  
祖見其容儀中度嘉之授兵部尚書契丹  
蕭遜寧入寇有言割西京以北者熙曰割  
地與敵万世之恥也願與之戰時大道秀

等克遜寧熙往其營約和萬欲屈熙命拜  
於庭不從議定國界力言我國即高句麗  
也都平壤上京亦我地也鴨綠江內外皆  
我舊地契丹乃以其地還我不失國威又  
常扈駕成宗至其幕曰非至尊所當臨命  
進酒則曰臣酒不堪獻也成宗乃坐幕外  
進共飲而罷穆宗元年卒享年五十七賻  
布千匹米五百石謚章威配成宗廟庭

黃周亮傳

成宗癸未生穆宗丙戌卒 字夢洲

黃周亮黃山人也精敏俊異少學于外祖

大守文聞一而知十守文曰穎淵知十而

早死殆不祥之兆歟周亮曰推一理則万

事可通聞一知十何足奇乎守文益奇之

命其女禱于神登第立朝為儕輩所推文

思出於漢魏詩格汲於晉唐目之以穎漢

王勃顯宗時侍御史拾遺中丞進中樞院

副使德宗時政堂文學判翰林院事靖宗  
時吏戶禮尚書參知政事女真人仇屯等  
爭財殺其都領將軍開老議下宰輔徐訥  
等欲用邦憲周亮曰此輩雖故化不慣風  
教宜從其俗輸財償命王從之進平章事  
九年為門下侍中而卒謚曰景文契丹之  
亂宮闕書籍燒盡周亮奉詔訪問採撰撰  
集太祖至穆宗七代事跡三十六卷以進

### 王倣傳

王倣文宗子燾之孫也父源尚肅宗女安  
壽公主而生為人端雅恬靜愛士好學未  
嘗以貴驕衣服飲食務潔而不務侈所居  
堂宇池園淡如野人出入者詩人墨客而  
已六歲始學盡於少監金瑚人物為當世  
第一與李寧之山水并稱尚肅宗女興慶  
公主亦能畫琴瑟甚和烹茶養竹與鶴鹿

為友市井朝廷之事未嘗掛口沈潛於經史諸子旁通六藝方技無不該博貫徹常謙虛若不知稱人之美而隱人之過接人溫詳處事寬厚平生不叱一奴聞人之善則單騎訪問喜若已有寒士之不能自食者賴以得活者亦不少故鄭仲夫之亂宗戚大臣亦多見逼獨晏然無事明宗七年丁酉四月作偈而薨年六十一安平公也

王沔傳

卷七

太宗朝

王沔字元善

江陰人

丁酉

年

六月

王沔江陵公溫之孫也父瑛尚仁宗女承慶公主而生少聰悟好學請益于從叔安平博覽群書精通諸技能知禽獸草木之性慨然有活人之志閉門力究青囊之學採藥于山煉丹于寺凡有疾瘥者無論貴賤貧富皆造其門略無憚色而治之得愈其室教宗女和順宮主也亦仁慈能承其

夫之志與婢輩共救病傷而見汚穢未嘗  
一頓人皆歎服以為觀音菩薩之化身也  
崔忠獻亦嘗患瘡鍼灸於汚家見其洒然  
有超人世之像尤極歎服汚恨教宗之慘  
祝福于家故時人欲為汚報仇者多忠粹  
奴亦受恩于汚遂激忠粹兄弟誅義叟後  
欲修汚宮汚辭不受曰吾夫妻死何恨乎  
高宗五年薨沉靜純厚工於筆札廣陵公

### 王禎傳

王禎字子忠一禎教宗之次子  
在宗室一聖德公一王

王禎明宗延禧公主之駙馬也封寧仁候

其父瑊睿宗女承德公主之子也禎容只

端爽柔媚能巧言而令色亦能知大體處

事得中好讀書崇釋老不儉不奢賓客滿

堂酒不及亂色不移荒與奴輩力穡日給

不倚內賜聞人之急傾囊視誠人服其賢

與安平廣陵并稱為宗室三賢雅道則傲

也五慈悲則汚也五德行則稹也五公主入內或  
彌月不出失未嘗有意昌化候疑其間語曰  
人主安可如是乎稹曰子不可以不孝臣  
不可以不忠小人之言何足信乎聞者莫  
不嗟歎戒子女以一日一善妹為康宗之  
妃而女為熙宗之妃孫為高宗之妃皆有  
坤德以安宗廟稹之力不亦大乎終始攷  
高宗七年薨謚曰肅懿有龜鑑二卷美

琴儀傳

琴儀字節之奉化人也體貌奇爽器度雄  
偉少力學善屬文累舉不第及仕剛直不  
撓民目為鐵太守明宗十四年魁科入內  
侍及崔忠獻當國詔事之神宗朝拜尚書  
右丞右諫議大夫熙宗朝以右副承宣掌  
試取皇甫瓘等忠獻父子賜樂銀瓶尋遷  
知奏事久典機要奏對補旨王倚以為重

儀恃勢驕恣瓘作詩諷休忠獻怒流之康  
宗即位金使來欲入儀鳳門相詰儀曰若  
天子來則當入何門乎使曰中門曰然則  
以臣入君門可乎使然之入自西門高宗  
二年政堂文學中書侍郎平章事七年致  
仕以琴碁自娛十七年卒年七十八謚英  
烈嘗於心闕會禁軍作亂與人面折無諱  
人多憚之累典貢舉多選名士

### 金守雌傳

金守雌字谿甫初名理尚州人也少喪父  
負笈遊學四方登第為金壤縣尉遷國學  
學諭棄去杜門不出理田園鬻蔬以自給  
日與兒童講習為樂仁宗朝直史館李資  
謙作亂宮闕連燒守雌負國史至山呼亭  
北掘地藏之得不焚遷直翰林院未幾有  
疾不樂在近職又以母老乞郡出為禮州



防禦使而卒。教宗時，吏部奏丙午亂，守雌  
不惜身命，移藏國史。唐韋述以史官，祿山  
之亂，抱國史藏南山，身陷賊中，污偽官賊  
平流渝州死。後以功補過，贈右散騎常侍。  
況守雌一無所累而未蒙顯賞，深可惜也。  
乞依古例，追贈官爵，乃贈吏部侍郎翰林  
侍讀學士，知制誥，孝養其母，治民以道教。  
誨後進不倦，能保國史，傳後可謂賢矣。

許珙傳

許珙字韞，五初名儀，孔岩人也。父遂官至  
樞密副使，珙幼聰敏，奇偉。高宗末登第，至  
吏部侍郎，林衍執政，欲以珙女為其子婦。  
珙拒之，嫁其女金，賄其妻尹氏死，更娶其  
妻弟之女，養于家者，憲司劾之，與洪子藩  
造艦子藩未半而珙已畢，人服其能。修國  
史，撰古今錄，拜僉議中贊，哈丹之亂，珙力

言不可移都及元來討珙亦舉兵應之積  
日不下馬因得疾而累月不卧至八月疾  
篤而卒年五十九謚日文敬珙性恭儉不  
事產業雖至達官食不過一器布被蒲薦  
處之怡然群居慎口燕处不倚坐如見大  
賓少時常率一僕掩骼埋胔無虛日見  
棄尸自負瘞之嘗月夜弹琴隣家處女踰  
墻來奔敢以禮喻而不相近焉

金方慶傳

金方慶字本然安東人也父孝印性嚴教  
少志學善書登第官至兵部尚書翰林學  
士方慶娠時母累夢餐霞而語人曰雲氣  
尚在吾口鼻兒必神仙中來也及生小有  
嗔恚必卧啼街衢牛馬爲之避人皆異之  
十六蔭補散員監察御史請托不行嚴保  
葦島貯雨耕于及入禁衛雖宿外不近娼

馬上揖命千遇林衍之亂自元引兵而南  
或軍勿過大同江三別抄之亂與蒙兵入  
珍島旣羅而平之茶丘誣以反不服征日  
本遇風而還忠烈王庚子卒年八十九謚  
忠烈性忠直信厚器宇弘大不拘小節嚴  
教寡言多識典故斷事無差檢身勤儉晝  
不偃卧至老頭髮不白能寒暑無疾不遺  
故曰有喪往吊平生不言君上得失

### 車若松傳

車若松與其兄若椿幼時其父曰椿當以  
文藝立身松當以武才著名各其勤學後  
若椿果登第仕至兵部侍郎若松出身禁  
衛明宗時由郎將拜將軍重房奏自庚寅  
以來武官皆兼文官而內侍茶房獨不得  
兼請許兼屬王以若松等四十三人皆兼  
內侍茶房神宗初拜樞密院副使進守司

空叅知政事若松與奇洪壽同入中書省  
若松問於洪壽曰孔雀好在乎答曰食魚  
鯁咽而死因問養牡丹之術若松具道之  
或曰宰相之職在論道經邦但論花鳥何  
以儀表百寮若松後拜開府儀同三司守  
太尉中書平章事卒若松畜妓生三子長  
入國學補服膺齋生次入流品崔忠獻陰  
嗾御史臺奏屬伶官七品又削學籍

### 李資玄傳

李資玄字真精容貌魁偉性聰敏登第爲  
大樂丞忽棄官入春州清平山葺文殊院  
居之蔬食布衣以禪道自樂睿宗遣內臣  
賜茶香金帛累詔徵之資玄曰始出都門  
誓不復踐京華不敢奉詔遂上表曰以鳥  
養鳥庶無鐘鼓之憂觀魚知魚俾遂江湖  
之性王覽之知不可致幸南京遣其弟尚

書資德論赴行在作詩手書賜之資玄赴  
台王曰朕慕此老道德久矣不宜以臣禮  
見令上殿拜賜坐從容與語命留三角山  
清涼寺再見問養性之要對曰莫善於寡  
慾遂進心要一篇王歎賞待遇甚厚既而  
固請還山乃賜茶湯道服以寵其行仁宗  
卽位亦傾嚮之有疾遣內醫診視賜茶藥  
卒年六十五謚真樂有吝財畜貨之評

朴寅亮傳

朴寅亮字代天竹州人或云平州人也文  
宗朝登第遼嘗過鴨綠江爲界設船橋越  
東崖置保州城顯宗以來累請罷不聽二  
十九年遣使請之寅亮修陳情表曰普天  
之下旣莫非王土王臣尺地之餘何必曰  
我疆我理又曰故汶陽之舊田撫綏弊邑  
回長沙之拙袖抃舞昌辰遼主覽之寢其

事累遷至禮部侍郎三十四年與柳洪如  
宋至浙江遇颶風幾覆舟及至宋計所貢  
方物失已殆半帝勅王勿問王乃釋洪等  
金覲亦在其行宋人見寅亮及覲所著尺  
牘表狀題咏稱歎不已至刊二人詩文號  
小萃集肅宗元年以右僕射兼知政事卒  
謚文烈寅亮文詞雅麗南北朝告奏表狀  
皆出其手嘗撰古今錄十卷藏秘府

### 金就礪傳

金就礪彥陽人也父富禮部侍郎陰補正  
尉選充東宮衛累遷將軍鎮東北界擢大  
將軍康宗朝巡撫塞上邊民畏愛高宗三  
年契丹遺種金山王子金始王子爲蒙古  
所逐來侵我國就礪以後軍兵馬使累建  
大功賊勢窮入保江東城蒙古元帥哈真  
亦來攻與就礪相見就礪身長六尺五寸

彭湏過其腹每盛服必使兩婢子分舉其髻  
而後束帶哈真見其狀貌魁偉又聞其言  
大奇之引與同坐問年幾何曰近六十哈  
真乃以凡事之賊平以功讓于元帥趙冲  
官至侍中而卒謚威烈為人節儉正直忠  
義自守持軍律甚嚴士卒不敢犯秋毫有  
酒則用一庖與最下者均飲故得其死力  
臨陣制賊多出奇計未嘗自矜

### 鄭夢周傳

鄭夢周字達可延日人也少學于金得培  
時喪禮紊弛士大夫皆百日即吉夢周父  
母喪廬墓畫哀命旌其閭及為成均博士  
講說經書超人意思李穡稱之曰夢周論  
理無非合當、推為東方理學之祖奉使  
如明如倭不失國威恭讓時拜門下釐成  
率封益陽郡忠義君教曰惟卿天人之學

王佐之才先王任用而俾掌絃綸後生景慕而如仰山斗倡鳴濂洛之道排斥佛老之言講論唯精教誨不倦德望高聲名振李成桂將篡謀欲乘機圖之聞其隆馬而効其羽翼往觀其處焉成桂子芳遠使趙英珪擊殺于歸明年五十六夢周豪萬絕倫有忠孝大節好學不倦研窮性理尊崇朱子以興儒教有圃隱集行于世

### 金瑚傳

金瑚彥陽公瑩之子也少學于水精菴主然十三畫王翰寺觀音象名振天下以母微不達王侍郎冲薦于皇后宮初授寫經院西員九品后寵之不次擢之一年中超至殿中少監六品兼寫經判官賜其母五品宮人祿掌酪亦得寤于上尋拜採蘭使調香監常侍于后側公主王孫等師



事之后崩被諛流離放于杜陵窮於梅溪  
始十年餘矣及翡翠院得審仁宗召之拜  
戶部尚書妻以通義侯女司空瑜之室也  
瑜子珙父事之故特賜珙殿下之號憲司  
劾之王以婢稱不採教宗亦傾嚮之官至  
平章事而卒謚安懿珙以方技美魚因緣  
后宮位至一品而尚主享貴蓋鮮其儔矣  
亦能孝于其母文敬后崩絕而復甦云

### 金之岱傳

明宗庚戌年太宗丙寅年

金之岱初名仲龍清道人風姿魁梧倜儻  
有大志力學能文高宗四年江東之役代  
父隸軍隊卒皆面歎於楫獨作詩書之曰  
國患臣之患親憂子所憂代親如報國忠  
孝可雙修元帥趙冲點兵見之驚問召入  
內廂器使之明年冲知貢舉擢第一補全  
州司錄恤孤寡抑強豪按察全羅投万全

之通知于江出守韶聞明竹林之寃獄鎮撫北邊視以恩信蒙古不敢犯奸民不暇肆西北四十餘城賴以得安元宗初政堂文學吏部尚書尋守太傅中書平章事致仕七年得疾剃髮坐逝年七十七謚英憲嘗見城南星叟之迎入而命其少女拜於庭下曰公貴必蒙恩謹識之後二十年按全羅賊有一婦呼曰叟女驚駭釋之厚遺

韓彥恭傳

韓彥恭湍州人性穎敏好學光宗朝年十五屬光文院書生進內承旨不第成宗時以刑部侍郎如東以儀容中度授金紫光祿大夫兵部尚書賜藏經四百八十一函凡二千五百卷彥恭奏請設中樞院從之穆宗卽位授內史侍郎平章事四年拜門下侍中時全用

錢幣禁度布民頗患之上疏論其  
弊王納之王嘗幸平州日暮寒甚駐  
輦道傍酣飲不行彥恭進曰臣等醉飽  
柰軍士何王嘉之賜貂裘六年病賜藥  
及車往浴溫泉翌年卒年六十五王悼  
甚賜米五百石麥三百石布一千二百匹茶  
二百角贈內史令謚貞信後配穆宗廟  
庭子祚為靖宗國舅

權守平傳

權守平安東人跡微不知其族譜姿豐美  
性淳厚質直有古人風嘗為隊正貧居有  
卽中卜章漢以非罪見竄守平避食其田  
有年章漢赦還守平素不相識租已漕而  
袖簿與之卜曰當吾竄謫君雖不食豈無  
他人君今哀我還田足矣何用租為守平  
曰乘人之災食其田猶恐不義今旣還尚

忍食耶遂投其簿下不受閉門而入守平  
竟以簿繫石擲之而去父老歎曰今爭奪  
成風不圖獲見若人牽龍職卑而任寵權  
貴子弟皆願為之辭以家貧友曰率多易  
妻求富受此榮選君若改娶富家誰不願  
授室曰貧富天也何忍棄二十年糟糠之  
妻以求富室邪言者慚服積官至樞密副  
使高宗三十七年卒子孫顯達

杜艮傳

高宗三十七年卒子孫顯達

杜艮亦然之徒也性淳真好古慕永郎  
東山之學養竹種茶不與世人交家設小  
窯燒茶器為樂器不補者則破而不施於  
人如窯翁故罕傳其品少時與金瑚結死  
生之交瑚畫而艮燒作美人盒十二獻于  
文敬太后、奇其才命仕于小府艮鄙時  
人棄之亦勸瑚故山不聽艮獨故杜陵待

之果敗而故逍遙於島淵之上以鮑叔管仲寧戚百里奚自比及瑚貴名為侍郎至尚書仁宗崩棄故山庄安平公傲通義妃等宗室子女往來師之教宗累徵不起曰天地之間至味唯雅也清能味之膏粱秀腹下類之味清流之爵恥唯上戒之教宗益重之瑚居于內而良居于外猗角而相薦無位而尊時補素王

李奎報傳

李奎報字春卿號白雲黃驪縣人幼聰敏九歲能屬文時號奇童稍長經史百家佛老之書一覽輒記其赴監試也夢奎星報魁故名奎報明宗二十年登同進士第欲辭之父責之而止時李仁老吳世才林椿趙通皇甫抗咸淳李湛之結友稱七賢飲酒賦詩傍若無人世才死湛之謂奎報曰

李奎報字春卿號白雲黃驪縣人幼聰敏九歲能屬文時號奇童稍長經史百家佛老之書一覽輒記其赴監試也夢奎星報魁故名奎報明宗二十年登同進士第欲辭之父責之而止時李仁老吳世才林椿趙通皇甫抗咸淳李湛之結友稱七賢飲酒賦詩傍若無人世才死湛之謂奎報曰

子可補耶奎報曰士賢豈朝廷官爵而補其闕耶未聞裕沅之後有承之者後作崔忠獻茅亭記為其所引累官判秘書省事蒙兵歷境作陳情表以撤其矢進戶部尚書二十四年明下侍郎平章事致仕二十八年卒年七十四謚文順性豁達不營生產斟酒放曠為詩文不蹈古人畦徑一時高文大冊皆出其手有東國李相國集

### 咸有一傳

咸有一傳咸成生明宗乙巳年

咸有一恒陽人早孤養於舅十五至京父執李俊陽收之補吏部記官仁宗五十二年西京反以胥吏從軍有功調為選軍記事常弊衣穿履禁軍厨食不如式軍士曰若得弊衣記事不如是會舉廉吏王冲薦之上聞名喜召入内侍勾當軍厨三幸長源亭試射有一得中受金帛具置厨什器

為皇城倅廉勤有績教宗時以橋路都監  
逐出京城巫覡于外焚諸淫祠明宗時召  
入內侍尋除兵部郎中時武夫執兵橫行  
巷間見有一則莫不倒矣而過累遷尚書  
左丞坐亡伊詐書之獄削內侍籍十五年己  
丑上以工部尚書致仕而卒年八十遺命薄葬  
平生衣麻器陶不事生產妻曰不慮諸兒  
耶曰兒輩但當正直節儉以俟命耳

### 李穡傳

李穡字穎叔號牧隱稼亭穀之子也聰慧  
異常讀書輒誦十四中成均試已有聲恭  
愍元年服中上書論田制武備請興學減  
僧而用賢二年擢魁科明年如元應舉讀  
卷官參知政事杜秉彝翰林承旨歐陽玄  
見穡對策大加稱賞遂擢第二勅授翰林  
知制誥國史院編修官五年以母老棄官

東故罷政房六年祭酒諫議大夫請行三  
年喪從之紅巾陷京從王南幸錄功一等  
十七年柳濯諫馬岩役抵罪穡救之禍廢  
穡主立昌及其廢被劾下清州獄雷雨登  
樹釋之從便後貶汭川徙驪興竟遇煬而  
卒年六十九謚文靖平生無疾言遽色  
不露圭角不治生產雖至屢空不以為意  
為詩文操筆卽書無滯有集五十五卷

### 李六傳

李六穴居於櫟林之下茹橡藟炭讀書四  
十年不第母沒而妻老矣與樵翁脩然等  
為友臨流而飲穿雪而茶不知其貧妻曰  
吾將死矣子貴何時六常曰待參知政事  
封汝為郡君矣妻謂其女曰汝父非常人  
也今雖貧寒後必貴伊時封我當以河東  
妻死叩盆而歌曰未斫東方之肉徒張百



結之琴非無彈缺之志豈放棄糠之醜嗚呼河東今將何去女曰母常言吾死汝父當要東隣襄景誠女六曰諾乃往求之年五十八矣襄笑曰狂矣豈有老賤娶少貴乎其女曰此人雖老賤能文而志高猶勝於元人之庸拙無聞襄不聽及金瑚用事舉六為侍郎使金見稱襄女乃進為妻封其前室為河東郡君襄生五子偕老二十年

### 李齊賢傳

李齊賢字仲思自幼凝然如成人為文已有作者氣年十五中成均試又中丙科曰此小技耳忠宣在燕邸播萬卷堂書史自娛召齊賢與姚燧趙孟頫等為伴而佐之授高麗王府斷事官降香江南奉使西蜀所至題咏膾炙人口元欲立省上書寢其事忠宣流吐蕃說丞相稱佳而得還齊賢

謁謳吟道中忠憤藹然賜功臣號參議  
評理政堂文學封金海君忠惠被拘群小  
猖獗賢屏居著櫟翁稗說與李穀等修  
忠烈忠宣忠肅三朝實錄恭愍納女為惠  
妃進右政丞鷄林府院君十六年卒年八  
十一謚文忠天資厚重輔以學問議論事  
業俱有可觀斤眈為凶人眈銜之以其門  
生為滿國之盜然不樂性理之學

### 橡山四豪傳

裕長之間文物粲然唐齋猿鶴莫不采繚  
清樓茶閣竹蒼酪家散播巷間詩人墨客  
道流緇弁往來縱橫城外有陳相之徒自  
號橡山四豪曰李六者炭翁也曰蔡七者  
窻翁也曰艾青者樗先生也脩然者竹丈  
人也四人莫逆為方外友意到而相尋鼓  
腹而歌以歲時伏臘烹羊炮狗劇飲水上

朗吟月下訪以風雪叩於雨中合家嫗媪  
無有間焉日出而作日入而息各勤其技  
精通其術呼吸天地之氣密呪宇宙之靈  
不以王公長者為貴不以鼓刀割腥為鄙  
呂尚之傳歟寧戚之徒歟王猛捕蜚傳說  
等城時至而動則富有四海功蓋萬世四  
者蓋亦待時而晦韜者歟魚頭鬼面茹椽  
穿葛穴于椽山者殆不知幾星霜矣聖天

爰舉若穴徵以玄纁之車賜以動星之床  
恨相見之晚喜魚水之得千里之足可展  
萬民之喁乃救皇統二年八月勅四豪不  
次登用拜李六為工部侍郎蔡七為沙器  
監父青為良醞令倏然為善工監持資四  
品賜宅封妻以榮之於是山林隱逸之士  
以手加額庶見堯舜之治漁樵畎畝之輩  
聞風雷耳勉以許巢之操韓信登壇一軍

營郭理上臺死骨致生為官之要只在  
培風養氣而已何求泥着而無恥於身  
緇乞骸曰臣等本是條器之徒猥被吏部  
之薦但索長安之米實愧伐齊之名俾遂  
取介之性勿謂嵇康之癖上優批不允曰  
卿等以予為不足為而乘欺予甚慨然仍  
命陞階除郡四子終祿陵之世不敢言故  
嗚呼至矣聖主在上賢臣作此之謂歎

南堂朴昌和先生遺稿

於之哀此人嗟甫  
弟相殘不思地  
情竟故何地  
如娑娑糞鷄  
不寒心裁石  
而去雪夜溫

然後庶無愧於為人嗟甫  
小子靜而思之哀此人生  
營之自苟兄弟相殘不思  
其本快樂縱情竟故何地  
是謂自滅比如娑娑糶鷄  
朝不慮夕誠不寒心哉石  
田春雨驅牛而去雪夜溫

孝農立本

楊朱拔一毛而為天下不

為墨翟磨頂放踵而兼愛

皆非其中仙希如意佛希

大覺如意縱慾大覺無檢

安可無行而作聖孝為人

本農乃食力而報本

